

Član 71.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-01-02-2840/14

28. aprila 2014. godine

Sarajevo

Ministar

Mr. sci. **Emir Hrenovica**, s. r.

Na osnovu člana 62. stav (3) Zakona o šumama Kantona Sarajevo ("Službene novine Kantona Sarajevo", broj 5/13) ministar privrede Kantona Sarajevo, donosi

PRAVILNIK**O POSTUPKU I KRITERIJIMA ZA DODJELU
NAMJENSKIH SREDSTAVA U OBLASTI ŠUMARSTVA
IZ BUDŽETA KANTONA SARAJEVO**

Član 1.

(Predmet)

Ovim pravilnikom propisuju se postupak i kriteriji za dodjelu namjenskih sredstava u oblasti šumarstva iz Budžeta Kantona Sarajevo (u daljem tekstu: namjenska sredstva).

Član 2.

(Pravo na dodjelu sredstava)

Pravo na dodjelu namjenskih sredstava imaju:

- Kantonarno javno preduzeće za gospodarenje državnim šumama na području Kantona Sarajevo "Sarajevo-šume" (u daljem tekstu: Javno preduzeće) i Kantonalna javna ustanova za zaštićena prirodna područja Kantona Sarajevo (u daljem tekstu: KJU za zaštićena područja) kao korisnici šuma i šumskog zemljišta u državnom vlasništvu,
- privredna društva koja imaju sjedište, obavljaju djelatnost i realizuju projekte na području Kantona na vlastitom šumskom zemljištu,
- obrazovne institucije, registrovane na sudu i/ili u registru Ministarstva za obrazovanje, nauku i mlade Kantona Sarajevo, a koja imaju sjedište, djeluju, rade i implementiraju projekte na području Kantona,
- udruženja i fondacije, registrovana u Ministarstvu pravde Kantona Sarajevo i ona koja su registrovana u skladu sa zakonom na entitetskom ili državnom nivou, a koja imaju sjedište, djeluju, rade i implementiraju projekte na području Kantona Sarajevo (u daljem tekstu: Kanton), a registrovani programski ciljevi i zadaci su im na uzgoju šuma, uzgoja i zaštite divljači te zaštite i unaprijeđenja okoliša,
- fizička lica vlasnici privatnih šuma i šumskog zemljišta na području Kantona, a koja imaju prebivalište i realizuju projekte na području Kantona.

Član 3.

(Namjena utroška sredstava)

- Nepovratna namjenska sredstava mogu se koristiti za realizaciju programa/projekata koji se odnose na:
 - pošumljavanje produktivnih, a neobraslih šumskih zemljišta,
 - popunjavanje šumskih kultura,
 - njege i zaštitu šumskih kultura,
 - prorede u šumskim kulturama,
 - prevođenje degradiranih sastojina u viši uzgojni oblik,
 - rekonstrukciju i konverziju izdanačkih šuma, šikara i šibljaka,
 - obnovu šuma od posljedica elementarnih nepogoda, prenamnoženja insekata, požara i slično,
 - unapređenje proizvodnje šumskog reproduktionog materijala,
 - očuvanje i unapređenje bioraznolikosti šumskih ekosistema,

- provodenje procesa deminiranja šuma i šumskog zemljišta,
- uzgoju i zaštiti divljači,
- izgradnji lovno uzgojnih objekata,
- izgradnju, održavanje i unaprijeđenje šumske putne infrastrukture, (radovi u okviru ovih projekata moraju biti u funkciji protivpožarne zaštite i optimalnog gospodarenja šumama),
- sufinansiranje tehničkih specijalističkih kurseva iz oblasti šumarstva i lovstva,
- naučna istraživanja i stručne analize iz oblasti šumarstva i lovstva.

- Troškovi finansiranja projekata iz stava (1) alineja d), e) i f) trebaju se umanjiti za vrijednost ostvarenog prihoda prodajom šumskih drvnih sortimenata.
- Javno preduzeće ne može aplicirati projekte koje je dužno izvršiti kao obavezu biološke reprodukcije šuma.

Član 4.

(Način bodovanja)

- Namjenska sredstva dodjeljuju se po konačnoj rang listi u iznosu traženom u prijavi maksimalno do iznosa utvrđenog u ovom pravilniku, do raspodjele ukupnih namjenskih sredstava predviđenih za ove namjene.
- Komisija za odabir korisnika namjenskih sredstava (u daljem tekstu: Komisija) vrši će po slijedećim kriterijima bodovanje programa/projekta:
 - broj krajnjih korisnika programa/projekta,
 - od 500 do 1.000 krajnjih korisnika projekta - 5 bodova,
 - od 1.001 do 2.000 krajnjih korisnika projekta - 10 bodova,
 - od 2.001 do 3.000 krajnjih korisnika projekta - 15 bodova,
 - od 3.001 i više krajnjih korisnika projekta - 20 bodova.
 - teritorijalna zastupljenost programa/projekta,
 - na području jedne općine - 10 bodova,
 - na području dvije općine - 20 bodova,
 - na području tri i više općina - 30 bodova
 - finansiranje programa/projekta iz vlastitih izvora u odnosu na sredstva tražena od Ministarstva,
 - vlastita sredstva 10 % - 10 bodova,
 - vlastita sredstva 20 % - 20 bodova,
 - vlastita sredstva 30 % - 30 bodova,
 - vlastita sredstva 40 % i više - 40 bodova.
 - period implementacije programa/projekta.
 - jedna godina - 10 bodova,
 - dvije godine i više - 5 bodova.
- U slučaju jednakog broja bodova prednost ima kandidat koji je dobio više bodova po slijedećim kriterijima za bodovanje korisnika:
 - broj krajnjih korisnika programa/projekta
 - teritorijalna zastupljenost programa/projekta
 - finansiranje programa/projekta iz vlastitih izvora u odnosu na sredstva tražena od Ministarstva.
- U slučaju da i nakon provedene procedure iz stava (3) ovog člana korisnici imaju isti broj bodova, konačnu odluku donosi Komisija.

Član 5.

(Način prijave i potrebna dokumentacija)

- Odabir korisnika vrši Ministarstvo privrede Kantona Sarajevo (u daljem tekstu: Ministarstvo) putem javnog poziva.
- Javni poziv se objavljuje u dnevnom listu i na web strani Ministarstva privrede Kantona Sarajevo www.mp.ks.gov.ba.
- Kandidat prilikom prijave na Javni poziv obavezno dostavlja sljedeću dokumentaciju:
 - Popunjeni PRIJAVNI OBRAZAC, koji čini sastavni dio ovog pravilnika i koji se može dobiti u Ministarstvu ili

- putem web stranice Ministarstva privrede Kantona Sarajevo www.mp.ks.gov.ba;
- b) IZJAVU da su svi podaci navedeni u Prijavnom obrascu istiniti i tačni (na propisanom obrascu), koja čini sastavni dio ovog pravilnika i koja se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;
- c) PRIJEDLOG PROJEKTA isključivo na propisanom obrascu "Format prijedloga projekta", koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;
- (4) Podnosilac prijave obavezno popunjava sve rubrike Prijavnog obrasca i odgovara za vjerodostojnost svih unesenih navedenih podataka. Samo ovako uneseni podaci se koriste prilikom vrednovanja projekta.
- (5) Nepotpune i neblagovremene prijave se ne uzimaju u dalje razmatranje.
- (6) Prijave na Javni poziv se boduju na osnovu dostavljenih obrazaca iz stava (3) alineja a) i c) ovog člana i ukoliko aplikant pravilno ne popuni obrasce njegova prijava će biti odbijena.
- (7) Ukoliko dostavljena dokumentacija ne dokazuje tačnost navoda iz Prijavnog obrasca ili uslova iz odredbi ovog pravilnika, podnosilac se briše sa liste odobrenih i razmatra se slijedeći kandidat sa bodovne rang liste.
- (8) Ukoliko aplikant ne dostavi svu traženu dokumentaciju, ili dostavi pogrešnu dokumentaciju, njegova prijava će biti odbijena.
- (9) Dokumenti iz ovog pravilnika, moraju biti dostavljeni u originalu ili fotokopiji ovjerenom od strane nadležnih upravnih organa ili notara.
- (10) Kandidati koji ne dostave traženu dokumentaciju u propisanom roku i propisanoj formi neće biti predmet daljeg razmatranja.
- (11) Zapečaćene koverta sa popunjenim prijavnim obrascem, šalju se preporučeno ili lično dostavljaju na centralni protokol Kantona Sarajevo, sa naznakom: "NE OTVARATI" - prijava po javnom pozivu: Odabir korisnika za dodjelu namjenskih sredstava u oblasti šumarstva iz Budžeta Kantona Sarajevo.
- (12) Aplikant ima pravo do dva dana prije isteka krajnjeg roka za prijave postaviti pitanje ili zatražiti pojašnjenje vezano za Javni poziv putem zvaničnog e-mail-a Ministarstva ili pismenim putem na fax br. 033 562 226 sa jasnom naznakom da se radi o pitanjima vezano za "Javni poziv za dodjelu namjenskih sredstava u oblasti šumarstva iz Budžeta Kantona Sarajevo". Odgovori na postavljena pitanja i pojašnjenja će biti dostavljeni najkasnije u roku od 2 dana od dana postavljanja upita. Sve dodatne informacije vezane za Javni poziv mogu se dobiti svakim radnim danom i na broj telefona 033/550-285 u periodu od 11,00-14,00 sati.
- (13) Rok za dostavu prijave je 30 dana od dana objavljivanja javnog oglasa u dnevnim novinama i na web stranici Ministarstva privrede Kantona Sarajevo www.mp.ks.gov.ba.

Član 6.

(Razmatranje prijave i odlučivanje)

- (1) Postupak razmatranja prijava vrši Komisija koju imenuje ministar privrede Kantona Sarajevo (u daljem tekstu: Ministar).
- (2) Komisija razmatra prispjele prijave u pogledu ispunjavanja uslova, vrši bodovanje prema kriterijima iz ovog pravilnika i predlaže raspodjelu sredstava po korisnicima. U svom radu Komisija može, po potrebi, zatražiti i dodatno pojašnjenje od strane prijavljenog korisnika. Komisija u svom radu može, po potrebi, izvršiti provjeru prispjelih prijava posredno ili na licu mjesta.

Član 7.

(Način dodjele sredstava)

- (1) Komisija na osnovu kriterija za bodovanje korisnika vrši bodovanje prispjelih prijava koje ispunjavaju uslove iz Javnog poziva i sačinjava rang liste koje dostavlja Ministarstvu.

- (2) Konačne rang liste donosi Ministarstvo i iste se objavljuje na web stranici Ministarstva privrede Kantona Sarajevo www.mp.ks.gov.ba.
- (3) Odluke o odobravanju novčanih sredstava korisnicima donosi Ministarstvo i iste se objavljuju na web stranici Ministarstva privrede Kantona Sarajevo www.mp.ks.gov.ba.
- (4) Sa odabranim korisnicima Ministarstvo potpisuje pojedinačne ugovore, nakon čega im se doznavačavaju sredstva na transakcijski račun korisnika.
- (5) Odbijenim aplikantima se šalje odbijenica uz detaljno obrazloženje o razlozima neuspješnosti njihove aplikacije, kojim se ukazuje na konkretne slabosti prijave.

USLOVI UČEŠĆA ZA PRAVNA LICA

Član 8.

(Projekti u šumi i na šumskom zemljištu u državnom vlasništvu)

- (1) Javnom preduzeću i KJU za zaštićena područja, namjenska sredstva se mogu dodjeliti za projekte koji će se realizovati u šumama i na šumskom zemljištu u državnom vlasništvu koje im je Zakonom o šumama dodjeljeno na gospodarenje za projekte/programa iz člana 3. ovog pravilnika.
- (2) Javno preduzeće kod podnošenja zahtjeva za finansiranje/sufinansiranje Projekata/programa dužno je pored dokumentacije koja je definisana članom 5. stav (3) i članom 9. ovog pravilnika dostaviti i dokaz da su u prethodnoj poslovnoj godini vlastitim sredstvima realizirali radove po osnovu biološke reprodukcije šuma planirane šumsko privrednom osnovom.
- (3) Javno preduzeće kod izrade projekata s kojim će aplicirati na Javni poziv dužno je da vodi računa o participaciji projekata po općinama u skladu sa procentualnim učešćem realizovane drvne mase sa teritorije pojedine općine Kantona Sarajevo.
- (4) Za sve projekte koji se planiraju realizovati na području državnih šuma i šumskih zemljišta, a ne planiraju ih korisnici šuma, potrebno je uz aplikaciju dostaviti mišljenje korisnika državnih šuma koji ima pravo uvida u projekte i eventualno nadzora nad izvođenjem radova što će Ministarstvo ugovorom definisati.

Član 9.

(Dokumentacija za pravna lica)

- (1) Podnosioci prijave, Javno preduzeće, KJU za zaštićena područja, obrazovne institucije i privredna društva, pored dokumentacije iz člana 5. stav (3) dužni su dostaviti slijedeću dokumentaciju kojom dokazuju ispunjavanje uslova:
- a) izvod iz sudskog registra ili drugog registra, ne stariji od 3 mjeseca od dana podnošenja prijave, kojom podnosioci prijave dokazuju da su registrovani u relevantnom registru radi obavljanja profesionalne djelatnosti (za javne ustanove iz oblasti obrazovanja dokaz o upisu u Registar kod Ministarstva za obrazovanje, nauku i mlade Kantona Sarajevo),
- b) uvjerenje o poreznoj registraciji,
- c) bilans uspjeha za prethodnu poslovnu godinu,
- d) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od 3 mjeseca od dana podnošenja prijave,
- e) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje ne starije od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost),
- f) karton deponovanih potpisa iz banke osoba odgovornih za finansije, tj. obrazac iz Ministarstva finansija Kantona Sarajevo za javnu ustanovu za zaštićena prirodna područja i javne ustanove iz oblasti obrazovanja sa brojem na koji će se izvršiti uplata i broj budžetske organizacije,

- g) ovjerenu izjavu o visini sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner u projektu),
 - h) projekat sa budžetom ovjeren i potpisan od strane podnosioca.
- (2) Pravna lica koja imaju sjedište, obavljaju djelatnost i realizuju projekte na području Kantona na vlastitom šumskom zemljištu pored dokumentacije iz stava (1) ovog člana dostavljaju i slijedeću dokumentaciju:
- a) zemljišnoknjižni izvadak za parcelu donosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
 - b) kopiju katastarskog plana za parcelu donosno katastarsku česticu na kojoj će se realizirati projekat,
 - c) prepis posjedovnog lista za parcelu donosno katastarsku česticu na kojoj će se realizirati projekat,
 - d) nalaz i mišljenje pravnog lica za obavljanje stručnih poslova u privatnim šumama sa specifikacijom troškova.
- (3) Dokumenti se prilažu u originalu ili ovjerenjima kopiji.

Član 10.

(Kriteriji isključenja za pravna lica)

- (1) Neće se uzeti u razmatranje prijave aplikanta:
 - a) koji su prethodne godine dobili namjenska sredstva za realizaciju projekata/programa iz člana 3. ovog pravilnika, a nisu ispunili obavezu pravdanja dodijeljenih namjenskih sredstava ukoliko do toga nije došlo iz opravdanih razloga.
 - b) koji ne dostave traženu dokumentaciju za dokazivanje ispunjavanja uslova,
 - c) koji ne razrade projekat u zadanoj formi.
- (2) Dio planiranih sredstava po projektu koji će se finansirati iz namjenskih sredstava, a koji su planirani za nabavku opreme potrebne za realizaciju projekta, ne smije biti veći od 30% od ukupno odobrenih namjenskih sredstava.
- (3) Sljedeći troškovi su neprihvatljivi:
 - a) reprezentacija,
 - b) uredska i ICT oprema,
 - c) komunalne usluge i slično.

Član 11.

(Vrijednost projekata)

- (1) Maksimalni iznos namjenskih sredstava koji se KJU za zaštićena prirodna područja i obrazovnoj instituciji može odobriti po projektu/programu je 30.000,00 KM, a izuzetno i veći ukoliko Komisija ocijeni da je projekat/program od značaja za Kanton.
- (2) Maksimalni iznos namjenskih sredstava koji se privrednom društvu može odobriti za projekat je 10.000 KM, a izuzetno i veći ukoliko Komisija ocijeni da je projekat od značaja za Kanton.
- (3) KJU za zaštićena prirodna područja, obrazovne institucije i privredna društva imaju pravo na javni poziv prijaviti najviše dva (2) projekta/programa koji se mogu finansirati iz namjenskih sredstava.

USLOVI UČEŠĆA ZA UDRUŽENJA GRAĐANA

Član 12.

(Udruženja i fondacije)

Udruženjima i fondacijama namjenska sredstva mogu se dodjeliti za projekte/programme iz oblasti zaštite okoliša koji se odnose na:

- a) čišćenje, uređenje, pošumljavanje i ozelenjavanje javnih površina, šumskog zemljišta i slično,
- b) očuvanje i unapređenje bioraznolikosti šumskih ekosistema,
- c) uzgoj i zaštitu divljači,
- d) izgradnju šumske i lovne infrastrukture,
- e) unapređenje zbrinjavanja otpada,
- f) jačanje ekološke kulture građana.

Član 13.

(Dokumentacija za udruženja i fondacije)

- (1) Udruženja i fondacije, pored dokumentacije iz člana 5. stav (3) ovog pravilnika dužna su dostaviti slijedeću dokumentaciju kako bi dokazali ispunjavanje uslova:
 - a) rješenje o upisu u Registar udruženja kod Ministarstva pravde Kantona Sarajevo ili drugog nadležnog organa u Federaciji Bosne i Hercegovine iz kojeg je vidljivo sjedište udruženja na području Kantona,
 - b) uvjerenje o poreznoj registraciji,
 - c) karton deponovanih potpisa iz banke osoba odgovornih za finansije,
 - d) ovjerena izjava o visini sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner na projektu),
 - e) bilans stanja i bilans uspjeha za prethodnu kalendarsku godinu, a za udruženja koja su osnovana u tekućoj godini početni bilans,
 - f) projekat sa budžetom ovjeren i potpisan od strane podnosioca.
- (2) Dokumenti se prilažu u originalu ili ovjerenjima kopiji koja ne smije biti starija od 3 mjeseca računajući od dana objavljivanja javnog poziva.

Član 14.

(Kriteriji isključenja za udruženja i fondacije)

Neće se uzeti u razmatranje prijave udruženja i fondacija:

- a) koja su prethodne godine dobila namjenska sredstva za realizaciju projekata/programa iz člana 3. ovog pravilnika, a nisu ispunila obavezu pravdanja dodijeljenih namjenskih sredstava,
- b) koja ne dostave dokumentaciju za dokazivanje ispunjavanja uslova,
- c) čiji su projekti, programi, aktivnosti napravljeni samo u korist članova udruženja, i
- d) čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30% ukupnog budžeta projekta.

Član 15.

(Vrijednost projekata za udruženja i fondacije)

- (1) Udruženja i fondacije imaju pravo na javni poziv prijaviti 2 (dva) projekta, od kojih samo 1 (jedan) projekat može biti odobren za finansiranje iz namjenskih sredstava.
- (2) Maksimalni iznos namjenskih sredstava koji se udruženju i fondaciji može odobriti za projekat je 5.000,00 KM, a izuzetno i veći ukoliko Komisija ocijeni da je projekat od značaja za Kanton.

USLOVI UČEŠĆA ZA FIZIČKA LICA

Član 16.

(Fizička lica)

Pravo učešća na javnom pozivu imaju fizička lica koja imaju prebivalište na području Kantona i projekte će realizirati na šumskom zemljištu koja su u njihovom vlasništvu i nalaze se na području Kantona.

Član 17.

(Projekat za fizička lica)

Fizičkim licima namjenska sredstva mogu se dodjeliti za projekte/programme iz oblasti uzgoja i zaštite šuma, a koji se odnose na slijedeće:

- a) pošumljavanje šumskih goleti (nabavka sadnog materijala),
- b) popunjavanje šumskih kultura (nabavka sadnog materijala),
- c) zaštitu šuma od štetnih šumskih insekata i biljnih bolesti (nabavka opreme za zaštitu šuma od štetočina).

Član 18.

(Dokumentacija za fizička lica)

- (1) Fizička lica (vlasnici privatne šume) pored dokumentacije iz člana 5. stav (3) ovog pravilnika dužni su dostaviti slijedeću dokumentaciju kako bi dokazali ispunjavanje uslova:
 - a) potvrda/uvjerenje o prebivalištu (CIPS),
 - b) zemljišnoknjižni izvadak za parcelu donosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
 - c) kopiju katastarskog plana za parcelu odnosno katastarsku česticu na kojoj će se realizirati projekat,
 - d) prepis posjedovnog lista za parcelu odnosno katastarsku česticu na kojoj će se realizirati projekat,
 - e) nalaz i mišljenje pravnog lica za obavljanje stručnih poslova u privatnim šumama sa specifikacijom troškova,
 - f) ovjerena izjava o visini sredstava s kojima će korisnik ili drugi zainteresovani subjekt učestvovati u sufinansiranju projekta,
 - g) projekt sa budžetom ovjeren i potpisan od strane podnosioca i pravnog lica za obavljanje stručnih poslova u privatnim šumama,
 - h) izjavu pravnog lica za obavljanje stručnih poslova u privatnim šumama da su granice šumskog zemljišta u privatnom vlasništvu na kojem će se realizirati projekat na terenu vidne i na propisan način obilježene,
 - i) ukoliko je podnosilac zahtjeva suvlasnik zemljišta dužan je dostaviti ovjerene punomoći suvlasnika kojim se ovlašćuje za poduzimanje radnji u cilju realizacije projekta.
- (2) Dokumenti koji se dostavljaju ne mogu biti stariji od tri mjeseca.
- (3) Dokumenti se prilažu u originalu ili ovjerenoj kopiji.

Član 19.

(Kriteriji isključenja za fizička lica)

- (1) Neće se uzeti u razmatranje prijave fizičkih lica koja ne dostave traženu dokumentaciju iz ovog pravilnika i javnog poziva.
- (2) Neće se uzeti u razmatranje prijave fizičkih lica koja za šumsko zemljište na kojima će se realizovati projekat ne dostave dokaz da su riješeni imovinsko - pravni odnosi odnosno da je šumsko zemljište u vlasništvu podnosioca zahtjeva.

Član 20.

(Vrijednost projekata za fizička lica)

- (1) Fizička lica imaju pravo na javni poziv prijaviti jedan (1) projekat.

- (2) Maksimalni iznos namjenskih sredstava koji se fizičkom licu može odobriti za projekat je 3.000 KM, a izuzetno i veći ukoliko Komisija ocijeni da je projekat od značaja za Kanton.

Član 21.

(Izvjestavanje o utrošku sredstava)

- (1) Korisnici namjenskih sredstava obavezni su dodijeljena sredstva koristiti namjenski i dužni su dostaviti narativni i finansijski izvještaj sa kompletnom dokumentacijom kojom se dokazuje namjenski utrošak sredstava za cijeli projekat bez obzira na izvor finansiranja, i to najkasnije do 31.12. tekuće godine.
- (2) Ukoliko u tekućoj godini odobrena namjenska sredstva ne budu utrošena u cijelosti, korisnik sredstava dužan je dostaviti izvještaj o utrošku dijela sredstava sa krajem tekuće godine, te ukoliko iz opravdanih razloga projekat nije završen u ostavljenom roku aneksom ugovora rok za realizaciju projekta se može produžiti.
- (3) Ministarstvo putem Stručne komisije koju imenuje Ministar vrši nadzor namjenskog trošenja odobrenih namjenskih sredstava neposredno kod korisnika sredstava u fazi izvođenja radova odnosno na licu mjesta realizacije projekta/programa kao i po okončanju radova, a na osnovu dostavljenih izvještaja, o čemu se obavezno zapisnički konstatuje činjenično stanje.
- (4) U slučaju nenamjenskog utroška sredstava, Ministarstvo pokreće postupak za vraćanje istih.
- (5) Dokumentacija koja dokazuje namjenski utrošak sredstava mora biti u originalu ili ovjerenoj kopiji (ugovori, računi sa izvodom iz banke kao dokaz o izvršenom plaćanju računa, PDV računi, nalog za isplatu sa blagajne sa dokazom i dr.).

Član 22.

(Način realizacije)

U slučaju nedostatka namjenskih sredstava obustavlja se realizacija dodjele sredstava u potpunosti ili djelimično, srazmjerno nedostajućim sredstvima.

Član 23.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-01-02-4657/14

28. aprila 2014. godine

Sarajevo

Ministar

Mr. sci. **Emir Hrenovica**, s. r.

NAZIV PRAVNOG LICA	
ADRESA	
KONTAKT TELEFON	

OSOBA ODGOVORNA ZA REALIZACIJU PROJEKTA	
IME I PREZIME	
KONTAKT TELEFON	

KANTON SARAJEVO
MINISTARSTVO PRIVREDE
Uprava za šumarstvo

PREDMET: PRIJAVA NA JAVNI POZIV ZA DODJELU NAMJENSKIH SREDSTAVA IZ OBLASTI ŠUMARSTVA IZ BUDŽETA KANTONA SARAJEVO

Naziv projekta:

Prijedlog zatvaranja finansijske konstrukcije:

Rd.br.	IZVOR FINANSIRANJA	IZNOS
1.	Vlastita sredstva	
2.	Sredstva Ministarstva	
3.	Sredstva općine	
4.	Sredstva FBiH	
5.	Ostala sredstva	
UKUPNO		

UZ PRIJAVU PRILAŽEM:

- Projekat/Program sačinjen u skladu sa Uputstvom Ministarstva,
 - Narativni i finansijski izvještaj (*ukoliko ste bili korisnik sredstava Ministarstva*),
 - Izvod iz sudskog registra ili drugog registra, ne stariji od 3 mjeseca od dana podnošenja prijave,
 - Uvjerenje o poreznoj registraciji,
 - Bilans uspjeha za predhodnu poslovnu godinu,
 - Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od 3 mjeseca od dana podnošenja prijave,
 - Uvjerenje/potvrda o urednom izmirenju indirektnih poreza, izdato od Uprave za indirektno oporezivanje ne starije od 3 mjeseca od dana podnošenja prijave (ukoliko je u sistemu PDVa u skladu sa Zakonom o porezu na dodanu vrijednost),
 - Karton deponovanih potpisa iz banke osoba odgovornih za finansije, tj. obrazac iz Ministarstva finansija za javnu ustanovu za zaštićena prirodna područja i javne ustanove iz oblasti obrazovanja sa brojem na koji će se izvršiti uplata i broj budžetske organizacije,
 - Ovjereni izvjava o visini sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner u projektu),
 - Projekat sa budžetom ovjeren i potpisan od strane podnosioca,
 - Izjavu da za isti projekt niste dobili sredstva od drugih donatora (*ukoliko se traži ukupan iznos cijene projekta*).
- Pravna lica koja imaju sjedište, obavljaju djelatnost i realizuju projekte na području Kantona na vlastitom šumskom zemljištu pored naprijed navedene dokumentacije dostavljaju i slijedeću dokumentaciju:
- zemljišnoknjižni izvadak za parcelu odnosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
 - kopiju katastarskog plana za parcelu donosno katastarsku česticu na kojoj će se realizirati projekat,
 - prepis posjedovnog lista za parcelu odnosno katastarsku česticu na kojoj će se realizirati projekat,
 - nalaz i mišljenje Pravnog lica za obavljanje stručnih poslova u privatnim šumama sa specifikacijom troškova,

MP

POTPIS ODGOVORNE OSOBE

Sarajevo _____ 201__ godine.

Napomena: Navedite kontakt adresu, na koju želite da vam dostavimo obavještenje

NAZIV UDRUŽENJA	
ADRESA	
KONTAKT TELEFON	

OSOBA ODGOVORNA ZA REALIZACIJU PROJEKTA	
IME I PREZIME	
KONTAKT TELEFON	

KANTON SARAJEVO
MINISTARSTVO PRIVREDE
Uprava za šumarstvo

PREDMET: PRIJAVA NA JAVNI POZIV ZA DODJELU NAMJENSKIH SREDSTAVA IZ OBLASTI ŠUMARSTVA IZ BUDŽETA KANTONA SARAJEVO

Naziv projekta:

Prijedlog zatvaranja finansijske konstrukcije:

Rd.br.	IZVOR FINANSIRANJA	IZNOS
1.	Vlastita sredstva	
2.	Sredstva Ministarstva	
3.	Sredstva općine	
4.	Sredstva FBiH	
5.	Ostala sredstva	
UKUPNO		

UZ PRIJAVU PRILAŽEM:

1. Projekat/Program sačinjen u skladu sa Uputstvom Ministarstva,
2. Narativni i finansijski izvještaj (ukoliko ste bili korisnik sredstava Ministarstva),
3. rješenje o upisu u Registar udruženja kod Ministarstva pravde Kantona Sarajevo ili drugog nadležnog organa u Federaciji Bosne i Hercegovine iz kojeg je vidljivo sjedište udruženja na području Kantona,
4. uvjerenje o poreznoj registraciji,
5. karton deponovanih potpisa iz banke osoba odgovornih za finansije,
6. ovjerena izjava o visinu sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner na projektu),
7. bilans stanja i bilans uspjeha za prethodnu kalendarsku godinu, a za udruženja koja su osnovana u tekućoj godini početni bilans,
8. projekat sa budžetom ovjeren i potpisan od strane podnosioca.
9. Izjavu da za isti projekt niste dobili sredstva od drugih donatora (ukoliko se traži ukupan iznos cijene projekta).
10. Za sve projekte koji se planiraju realizovati na području državnih šuma i šumskih zemljišta, a ne planiraju ih korisnici šuma, potrebno je uz aplikaciju dostaviti mišljenje korisnika državnih šuma koji ima pravo uvida u projekte i eventualno nadzora nad izvođenjem radova što će Ministarstvo ugovorom definisati

Sarajevo _____ 201___. godine.

MP

POTPIS ODGOVORNE OSOBE

L.K. _____ P.U. _____

Napomena: Navedite kontakt adresu, na koju želite da vam dostavimo obavještenje

IME, IME OCA, PREZIME	
ADRESA	
KONTAKT TELEFON	

OSOBA ODGOVORNA ZA REALIZACIJU PROJEKTA	
IME I PREZIME	
KONTAKT TELEFON	

KANTON SARAJEVO
MINISTARSTVO PRIVREDE
Uprava za šumarstvo

PREDMET: PRIJAVA NA JAVNI POZIV ZA DODJELU NAMJENSKIH SREDSTAVA IZ OBLASTI ŠUMARSTVA IZ BUDŽETA KANTONA SARAJEVO

Naziv projekta:

Prijedlog zatvaranja finansijske konstrukcije:

Rd.br.	IZVOR FINANSIRANJA	IZNOS
1.	Vlastita sredstva	
2.	Sredstva Ministarstva	
3.	Sredstva općine	
4.	Sredstva FBiH	
5.	Ostala sredstva	
UKUPNO		

UZ PRIJAVU PRILAŽEM:

1. Projekat/Program sačinjen u skladu sa Uputstvom Ministarstva,
2. Narativni i finansijski izvještaj (ukoliko ste bili korisnik sredstava Ministarstva),
3. potvrda / uvjerenje o prebivalištu (CIPS),
4. zemljišnoknjižni izvadak za parcelu donosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
5. kopiju katastarskog plana za parcelu odnosno katastarsku česticu na kojoj će se realizirati projekat,
6. prepis posjedovnog lista za parcelu odnosno katastarsku česticu na kojoj će se realizirati projekat,
7. nalaz i mišljenje Pravnog lica za obavljanje stručnih poslova u privatnim šumama sa specifikacijom troškova,
8. ovjerena izjava o visini sredstava s kojima će korisnik ili drugi zainteresovani subjekt učestvovati u sufinansiranju projekta,
9. projekt sa budžetom ovjeren i potpisan od strane podnosioca i Pravnog lica za obavljanje stručnih poslova u privatnim šumama,
10. Izjavu Pravnog lica za obavljanje stručnih poslova u privatnim šumama da su granice šumskog zemljišta u privatnom vlasništvu na kojem će se realizirati projekat na terenu vidne i na propisan način obilježene,
11. ukoliko je podnosilac zahtjeva suvlasnik zemljišta dužan je dostaviti ovjerene punomoći suvlasnika kojim se ovlašćuje za poduzimanje radnji u cilju realizacije projekta.
12. Izjavu da za isti projekt niste dobili sredstva od drugih donatora (ukoliko se traži ukupan iznos cijene projekta).

POTPIS

Sarajevo _____ 201__ . godine.

MP _____

L.K. _____ P.U. _____

Napomena: Navedite kontakt adresu, na koju želite da vam dostavimo obavještenje

IZJAVA

Izjavljujem pod punom materijalnom i krivičnom odgovornošću:

- da su svi podaci navedeni u Prijavnom obrascu istiniti i tačni,
- da traženi iznos finansijskih sredstava od Ministarstva, za realizaciju predloženog projekta/programa, nije obezbijeđen i neće biti tražen iz drugih izvora,
- opravdao sam dodijeljena finansijska sredstva Ministarstva po ranije preuzetim obavezama korištenja namjenskih sredstava.

Obavezujem se također, da ću obavijestiti Ministarstvo privrede, ukoliko za projekat, ponuđen u ovom dokumentu, dobijem podršku iz drugih izvora ili ako dođe do promjene u navedenim podacima ili aktivnostima.

Datum:

Mjesto:

MP

Potpis odgovornog ili ovlaštenog
lica u organizaciji

OPĆINA CENTAR SARAJEVO

Općinsko vijeće

Na osnovu člana 36. i 37. Zakona o budžetima u Federaciji BiH ("Službene novine Federacije BiH", broj 102/13, 9/14, 13/14) te člana 10. i 68. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je, na Devetnaestoj redovnoj sjednici održanoj 24.04.2014. godine donijelo

IZMJENE I DOPUNE

BUDŽETA OPĆINE CENTAR SARAJEVO ZA 2014. GODINU

I OPŠTI DIO

Član 1.

U Budžetu Općine Centar Sarajevo za 2014. godinu ("Službene novine Kantona Sarajevo", broj 2/14, 10/14) član 1. mijenja se i glasi:

"Budžet Općine Centar Sarajevo za 2014. godinu sastoji se od:

	Budžet za 2014. godinu
A. PRIHODI I PRIMICI	KM 43.562.792
B. IZDACI I FINANSIRANJE	KM 43.562.792
C. VIŠAK/MANJAK	0

Član 2.

U članu 2. tabela "Prihodi, primici" i tabela "Izdaci" mijenjaju se i glase: